

水縣志卷之十二

藝文志

詔令制
疏記

志之有藝文所以紀其地之山川人物勝蹟名
區與夫盛衰興廢之故足以覘政治而驗風俗
也惟於邑無關雜而不文者去之茲志所列不
詭乎道不離乎事旁搜博討以備輶軒之採擇
焉志藝文

唐憲宗賜冀鎮節度使王承宗詔

勅王承宗朕臨馭天下及此五年三叛誅除四方
清泰不以武功自負常推恩信爲先爾父云亡卽

欲命卿受詔遠近方鎮內外人情紛紛奏陳皆云
不可朕以卿累代積勲賢之業一門有忠義之風
功著艱危恩連姻戚雖中心是念而衆情難違可
否之間久不能決然亦欲觀卿進退之禮察卿忠
孝之心卽自罹憫凶倏經時月待使臣而動皆得
禮奉章疏而言必由衷靖獻官員願輸貢賦而又
上陳密款遠達深誠潔身而謀出三軍損已而讓
推二郡斯有以得臣子之大節知君親之大恩公
卿既然朕意亦定特加新命仍撫舊封命授卿起
移左金吾大將軍檢校太僕卿尚書充以德軍節度

使恆冀深趙等州觀察等使兼御史大夫仍賜上
柱國并賜誥身旌節等往想卿忠孝哀感兼深其
德棣兩州以卿退讓元欲卿於親屬之內選授一
人在法雖有推恩相時亦恐非便今所以除薛昌
朝德棣兩州觀察使昌朝昔嘗事卿先父今又與
卿親鄰卿宜具以誠懷令報昌朝知悉卿今受命
之後足得節制三軍使其不失事宜方見卿之忠
盡昨者衆情易惑非卿不能効此誠羣議難排非
朕不能斷此意所以保持大義勉勵遠圖深念斯
言永副予望其當軍大將已下各宜特與改轉卿

卽條錄聞奏其官健等亦宜量加優賞想宜知悉
唐穆宗授牛元翼深冀等州節度使制

門下鷹隼擊則妖鳥除弧矢張則天狼滅湯沐具
而蟣蝨相弔針石熾而瘞疽立潰苟得韓盧而示
之狡兔則可備俎豆而俟脯醢矣復何憂於越軼
乎夫將者亦蟣蝨之湯沐而渠魁之韓盧也我得
之矣又何患焉檢校右散騎常侍深州刺史牛元
翼挺生河朔之間迴鍾海岳之秀幼爲兄戲營壘
已成長學神樞風雲諳曉衆推然諾已任安危善
用奇兵尤精攻擊陳安之矛丈八顏高之弓六鈞

或山立於軍前或肉飛於馬上而又謙能養勇孝
以資忠雖膽力過人而心誠許國自常山作沴上
將罹災慟哭轅門誓清妖孽羽書三奏驛騎四馳
上請廟謀旁徵隣援指期斬叛剋日圖功斷自子
裘開懷用爾夫以爾之才力而取彼之凶殘是猶
以火焚枯以石壓卵螳臂拒轍雞肋承拳萬萬相
殊破之必矣而況於鎮之黎人皆朕之赤子爾之
部曲卽鎮之卒徒聞爾鼓鼙之音懷爾椒蘭之德
吾知此輩誰不革心爾其寒者衣之饑者食之無
發室廬無害農稼苟獲戎首置之藁街下以報忠

臣之寃上以告先帝之廟則蚩蚩從亂予又何誅
於戲殺人盈城爾其深戒拏戮誓衆朕不忍言再
換蟬冠新持武節恩不虛授爾其敬之可檢校右
散騎常侍充深冀等州節度觀察等使

下冀州令

漢文

魏王操

阿黨比周先聖所疾也聞冀州俗父子異部更相
毀譽昔直不疑無兄世人謂之盜嫂第五伯魚三
娶孤女謂之撾婦翁王鳳擅權谷永比之申伯王
商忠義張匡謂之左道此皆以白爲黑欺天罔君
者也吾欲整齊風俗四者不除吾以爲羞

畿輔西南水利疏

國朝文

怡賢親王

臣伏查京西一帶諸山實維太行之麓逶迤環拱遙衛神京水勢因之盡朝宗而左驚故自西北山而下者皆東南滙於兩淀自西南山而下者皆東北瀦於大陸二泊兩道分流畢由東淀達直沽入海則是今日所歷諸河卽去冬查勘畿南河淀之上流也下流治乃可以導上流之歸亦必上流清乃可以分下流之勢此相須而不可偏廢者謹將勘過情形并開挖疏引措置水田事宜爲我

皇上敬陳之凡蘆溝以西諸水拒馬其鉅流也發源

山西廣昌之涿山輒流至房山鐵鎖崖分爲二派
一派東入涿州過新城西南一派南入涑水經定
興歷楊村而東二派合流而爲白溝河他若挾河
琉璃河會於馬頭村爲馬頭河茨尾河廣陽水會
於石羊村爲牯牛河白玉塘西域寺甘池諸泉會
爲胡良河皆入焉馬頭牯牛二河雨多則溢雨少
則涸均難資其灌溉而牯牛一河又往往東決爲
壩霸諸邑害衝溜旣久宛成河槽特以下無所歸
以致泛濫田野應加疏濬導自高橋以下入淀不
惟固壩百里之內滂水有所收攝兼可減白溝之

流免雄縣淹沒之患矣惟胡良所經地稍膏腴溝渠圩岸宛若江南擴而廣之房涿之間皆稻鄉也涑水一派石亭赤土樓村秔稻最盛而房之張坊至駱家莊涿之高村及城之西北一路分渠引流具有條理又有王家莊茂林莊毛家屯等村溝渠現存改爲旱田者約百餘頃詢之土人僉言水之入涑者七入房涿者三故不足用及訪涑則又以水源微弱爲辭此皆小民狃於因循不足深信此河下流爲白溝水勢甚盛而附流之茨尾等河常苦涸竭則今之滔滔南下者孰非拒馬之餘波乎

未有下流盛而上源微者今應於房山鐵鎖崖分
流之處深溝側注以均其來白溝之上相地建閘
以節其去不惟王家茂林等處之百餘頃復爲水
田卽河流所經之定興新城等縣亦沾澆灌之利
矣拒馬之南爲三易水曰濡曰武曰雹寰宇記所
謂易水有三其源各出者也濡水出州北之窮獨
山西折而南流環城東注又南入定興與涑水合
流源泉白楊虎眼梁村馬跑諸泉及道欄河皆入
焉源泉舊有石壩乃前人壅水開渠之遺址沿流
建閘石基尚存故當時近水皆稻梁遶城皆荷芡

今皆荒廢所應修復以廣水利者也武水出武峯
嶺女思澗子莊溪潦水入焉流經定興合濡水而
歸河陽渡雹水出石獸崗灌河入焉流經安肅合
鹽臺陂而入安州之依城河三水具挾原泉分流
疏渠其勢甚便鍾家莊唐胡川鹽臺陂民皆藝稻
是在因地擴充務使水無遺利雹水之南曰徐水
來自五迴嶺經滿城至安肅而曹水會焉合一畝
方順龍泉諸水滙爲依城河安州宛在水中其勢
甚危前奏引曹入雹引雹入淀順而導之正所以
分而減之也一畝泉出滿城東南涌地噴珠澄泓

盈溢餘小泉以百數雞距紅花名最著土人溉稻可十餘頃而水力已殫矣流經清苑城南爲清苑河方順水卽曲逆河祁水之下流也源出完縣之伊祁山五雲石血二泉流爲放水河蒲水伏流復現爲五郎河皆會焉流經清苑之東爲石橋河九龍泉出望都城東繞城而流東北入方順水源盛而水饒疏而引之不可勝用也放水河之西有灑水發源山西之靈邱由倒馬關入唐縣爲唐河廣水自西北來會居民引以溉稻直達下素町畦相望經曲陽之鎮里高門所溉尤多南入定州而自

龍泉復來會之王擣張謙等村傍河皆圩岸也應推廣以極水力所得稻田難以頃畝計矣又考完縣舊志前明曾於唐之北洛開渠引入放水河二邑均賴其利今河跡現存當挖濬以復其舊而北洛之南原有騰橋一座以防山水之衝亦應仿其制而多設之唐河之南有沙河來自山西之繁峙至白坡頭口入曲陽界合平陽河南流阜平當城胭脂二河行唐之郃河咸會焉其上流亦名泝水經南樂歷定州沿流多資灌溉宕城鴉窩產德北川南川皆其處也他如阜平之崔家莊行唐之龍

崗甘泉河新樂之何家莊浴河俱有水田而泉渠頗多堙廢徧行疏濬所獲尤多沙河之南有滋河源自山西枚回山經靈壽爲慈水七祖寨岔頭錦繡大明川壅流皆可田入行唐之張茂村伏焉至無極南孟社而復出遶縣治北旋經深澤之龍泉涸沃仁橋疏流成渠皆天然水利也三水頗稱鉅流畢會於祁山之三岔口下爲豬龍河往往泛溢爲害去歲決柴淀口浸及任邱者卽此水也以上諸水會於白溝者七會於依城河者十有六會於三岔口者十有一而盡歸於西淀焉自此而南水

之載在圖經者二十有一唯滹沱最大發源山西
繁峙之秦巖山由雁門入直隸之平山界冶河綿
曼嵩陽雷溝沕沕水等河皆入焉冶河一名甘陶
河源自山西平定州松嶺流至平山初不與滹水
相通自二水合流而滹沱之勢遂猛屢奔潰爲正
定害元時引闢冶河自作一流滹沱水退十之三
四已而冶河淤塞復入滹河歲有潰決之患皇慶
中議復之而未果又按漢書地志冶水卽太白渠
也受綿曼水東南至下曲陽入於洮此冶之故道
本與洮合今應於入滹之處塞而斷之循其故流

加以挖濬引入汶河則潯沱之猛可減此前人已
試之成功也汶河發源獲鹿之蓮花營洺北村二
泉其源間有堙塞至欒城西南合北沙河而流始
漸大澆漑可資但苦岸高難以升引應作壩以壅
之俾水與岸平開溝二三尺縱橫皆可通流涓滴
皆爲我用矣伏秋水漲則決壩以洩之旱澇無虞
萬全之利也汶河下流自寧晉入泊舊有石閘三
座遺蹟尚存現今兩岸居民尚肩水以澆灌畦麥
其爲水利之用亦可想見矣汶河以南水自贊皇
來者有槐水午水自臨城來者有沛水泥河泲河

沙河自內邱來者有李陽河七里河小馬河柳河
或名在而蹟已湮或源存而流已徙道途所經一
一訪求卽土人亦不能言其故而指其處然石橋
宛在斷碣猶存或此等本非恒流前人開之爲洩
滂歸泊之路今皆任民耕種以致山水暴下瀾漫
四野貪尺寸之利貽害無窮今已委員查勘酌量
疏通令漫水有歸田疇不受其害小柳河之東爲
聖水井亦名聖女河源出任縣之欒村聖女祠下
泉從地涌引流可田南爲白馬河源出內邱之鵠
山經邢臺居民建閘溉田壅之而不使下下流遂